

তানভীর ভাই-অনুষ্ঠান ২৬ জুন শুক্রবার-সন্ধ্যা-আলোচনা

- প্রথমেই রব্বিল আলামীন-আররহমান-আররহীম-মালিকি ইয়াওমিদ্দীন-আহাদুন-সামাদুন-লাম ইয়ালিদ ওয়া লাম ইউলাদ-ওয়া লাম ইয়াকুল্লাহু কুফুওয়ান আহাদ- অতিশয় সুমহান প্রতিপালক আল্লাহর প্রশংসা ও কৃতজ্ঞতা-
- দ্বিতীয়ত: ভক্তি-ভালবাসা-আস্থা-দরুদ ও সালাম-নবী মুহাম্মাদ স., তাঁর পরিবার-সঙ্গী-সাথী ও অনুসারীদের প্রতি আল্লাহর রহমত ও বরকত কামনা
- আজকের এ অনুষ্ঠান-আয়োজক ও অংশগ্রহণকারী ভাই বোনদের জন্যে-অনেক শুভেচ্ছা-
- যেহেতু অনুষ্ঠানটি স্টান্ডার্ট টুরস এন্ড ট্রাভেলস কর্তৃক আয়োজিত বিশেষত: সূদীর্ঘ প্রায় ১ যুগের হজ-ওমরাকারীদের নিয়ে-
- আল্লাহর কাছে বিশেষ ফরিয়াদ-আল্লুহুম্মাজয়াল হাজ্জাম মাবরুরা----

- সময়ের সীমাবদ্ধতা মনে রেখে প্রথমেই হজ নিয়ে আমার ছোট্ট দুটি ডায়ালগ-
- ১
- হাজিরা আলাপ করে-
- হারাম থেকে হোটেল কত দূরে?
- আমি জানতে চাই, কুরআন থেকে হাজি কত দূরে?
- কুরআন ছেড়ে কাবার ভিতরে থাকলেও কোন লাভ হবে না।
- কুরআন ধরে থাকলে, হাযার-লক্ষ-কোটি মাইল দূরেও কোন সমস্যা নাই।
- ২
- মাতাফে বসে হাজিরা গল্প করে,
- থাকা-খাওয়ার আনন্দ-বেদনার কত কথা,
- আমার জিজ্ঞাসা, হাজি কি পায় হারামের তিলাওয়াতের মজা?
- উত্তর না হলে, আর কিছুতেই মিটবে না হাজির মজা-আনন্দের স্বাদ।
- উত্তর হাঁ হলে, আর কিছুই লাগবে না মিটাতে হজের স্বাধ।
- সে প্রেক্ষিতে আমার জানার খুবই আগ্রহ-স্ট্যান্ডার্ট টুরস এন্ড ট্রাভেলস এর উপস্থিত হজ-ওমরা পালনকারীরা কুরআন ধরতে-বুঝতে-মানতে কতটা আগ্রহী-উদযোগী এবং সফল মনে করেন?

- এ পর্যায়ে আমি আমার ২৬ হাজার হারামের ১ম তিলাওয়াতের একটা বার্তা উপস্থাপন করছি-কারণ আমি আল্লাহকে বলেছিলাম-আমাকে আজ এ সময়ে কুরআন থেকে যা দিয়েছেন আমি যেন তা মৃত্যু পর্যন্ত উপভোগ করি-আর চারপাশে তা ছড়াতে থাকি।
- শিরোনাম-হজ ২০২৬-আমার প্রাপ্তি-মসজিদুল হারামের তিলাওয়াত-০৭ মে-বৃহস্পতিবার-ফজর-সূরা মুহাম্মাদ-১-১৯ আয়াত
- ইউটিউব থেকে সংগৃহীত হুবহু তিলাওয়াত-(ইকামত-ফাতিহা রিপিটেশন এড়াতে বাদ দিয়েছি)-আরবী টেক্সট-সরল বাংলা তরজমা (তথ্য-আলোচ্যবিষয় -তরজমা পূর্ণবিন্যাস/আলোচ্যবিষয় অনুযায়ী সাজানো-
- মর্মবানী/ভাবার্থ/মূল কথা-শিক্ষা-
- আত্ম জিজ্ঞাসা-ভিন্ন রকম তথ্য-বার্তা-দোয়া-ইত্যাদী
- এখন সেরেফ বার্তা-
- প্রয়োজনমত সবই দিতে কোন সমস্যা নেই। ইনশা আল্লাহ

সূরা মুহাম্মাদ ১-১৯ আয়াতের বার্তা-

- আমরা কি -
- ১৪,১৬-নিজ খেয়াল-খুশির অনুসরণকারী,১২-ভোগ-বিলাসে মত্ত এবং জন্তু-জানোয়ারের মত উদর পূর্তিকারী, ১৬-অন্তরে মোহর, ৩-মিথ্যার অনুসরণ,১৪-মন্দ কাজই ভাল মনে হয়,৯-আল্লাহ্ যা অবতীর্ণ করেছেন (কুরআন) তা অপসন্দকারী?
- তাহলে ভাল করে বুঝে নিতে হবে এটাই (১)-কুফরী। সেক্ষেত্রে আমরাও অন্যকে আল্লাহ্র পথ থেকে নিবৃত্তকারী হতে পারি। এটা আরো পরিস্কারভাবে বুঝা যাবে যদি খেয়াল করি (১৩)-আমরা কোনভাবে মুহাম্মাদ স. কে তাঁর অবস্থান থেকে বিতারিত করার চিন্তা-ভাবনা ও কাজ-কর্মের সাথে জড়িত কি না? সেটার প্রমাণ হলো (১৬)-আমরা যদি মুহাম্মাদ স. এর অনেক কথাই শুনি, কিন্তু তা না বুঝার ভান করি,নানাভাবে ব্যঙ্গ-বিতর্ক-তুচ্ছ-তাচ্ছিল্য করি।

- তাহলে কিন্তু সর্বনাশ। কারন-
- (৯)- আল্লাহ্ আমাদের কর্ম নিষ্ফল করে দিবেন,
- (১০)- আমাদের কর্ম ব্যর্থ করে দিবেন,
- (১১)-আমাদের জন্যে আছে দুর্ভোগ,
- (১২)-আমাদের কোন অভিভাবকই নেই।
- এরপরেও বেরোয়ারা জানা উচিত (১৩)-তাদের চেয়েও অনেক বেশী শক্তিশালী জনপদকে আল্লাহ ইতিপূর্বে ধ্বংস করেছেন কিন্তু তাদেরকে কেউই সাহায্য করতে পারেনি,
- (১৪)-তাদের উচিত পৃথিবী ঘুরে (এমনকি এ মক্কাতেও) জানা-এরকম মানুষদের পরিণাম কি হয়েছে? আল্লাহ্ এদেরকে ধ্বংস করেছেন। তাহলে তো সর্বাধুনিক সময়ের কাফিরদের জন্যেও রয়েছে একই পরিণাম।
- (১৫)-তারপরেও কুফরিতে লিপ্ত থাকলে কিয়ামত সংগঠিত হওয়ার অপেক্ষায় থাকেন! বুঝা উচিত -কিয়ামতের লক্ষণগুলি কিন্তু এসেই পড়েছে। কিয়ামত এসে পড়লে কিন্তু উপদেশ গ্রহণ করে কোন লাভ হবে না।
- (১৬) শেষ পর্যন্ত তাহলে জাহান্নামই হবে এধরনের কুফরীকারীদের নিবাস।

- আর আমরা যদি বাস্তবিকই বিশ্বাস করি-
- (১৯)-সেই আল্লাহ্ ছাড়া আর কোন ইলাহ নেই,যে আল্লাহ্ আমাদের গতিবিধি এবং অবস্থান সম্বন্ধে সম্যক অবগত,(১১)-তাহলে সে আল্লাহ্ই কিন্তু আমাদের মত মু'মিনদের অভিভাবক।(১৪)-এমতাবস্থায় আমাদেরকে অবশ্যই খুব ভাল করে বুঝে নিতে হবে,মুহাম্মাদ স. তাঁর প্রতিপালক-প্রেরিত সুস্পষ্ট প্রমাণের ওপর প্রতিষ্ঠিত। তিনি অবশ্যই নিজ খেয়াল-খুশির অনুসরণকারী,মন্দ কাজ পছন্দকারীদের মত নন।
(২)-তাঁর প্রতি অবতীর্ণ কুরআন অবশ্যই তাঁর প্রতিপালক প্রেরিত সত্য। আমাদেরকে অবশ্যই তাতে বিশ্বাস করে সে অনুযায়ী সৎকর্ম করতে হবে। তাহলে আল্লাহ আমাদের মন্দ কর্মগুলি বিদূরিত করে আমাদেরকে ভাল অবস্থান দান করবেন।
- (২)-এ পর্যায়ে আমাদেরকে গভীরভাবে খেয়াল করতে হবে-আমরা কি কুরআন অনুযায়ীই সৎকর্ম করি??
- (৩)-প্রকৃত ঈমানদারতো সৎকর্ম বলতে কেবলমাত্র তার প্রতিপালক-প্রেরিত সত্যেরই (কুরআনের) অনুসরণ করা বুঝে।

- (১৭)-যদি তাই হয়-তাহলে এটা সুনিশ্চিত-আল্লাহ্‌ও সৎপথ অবলম্বনকারী হিসাবে আমাদেরকে সৎপথে চলার শক্তি বৃদ্ধি করবেন এবং আমাদেরকে এমন সব মুত্তাকী হবার শক্তি দান করবেন,(১৫)-যাঁরা কোনভাবেই সেসব স্থায়ী জাহান্নামীদের মত হবে না, যাদেরকে তাদের নাড়িভুঁড়ি ছিন্ন-বিচ্ছিন্ন করে এমন ফুটন্ত পানি পান করতে দেওয়া হবে। (১২)-বরং এসব সৎকর্মশীল ঈমানদারদেরকে আল্লাহ্‌ নিম্নদেশে নদী প্রবাহিত এমন সব জান্নাতে দাখিল করবেন,(১৫)-যেসব জান্নাতে আছে: নির্মল পানির নহর, অপরিবর্তনীয় স্বাদের দুধের নহর, আছে সুস্বাদু সুরার নহর, আরোও আছে পরিশোধিত মধুর নহর। এছাড়া সেখানে তাদের জন্যে থাকবে বিবিধ ফলমূল আর তাদের প্রতিপালকের পক্ষ থেকে ক্ষমাও।
- -এখন আসুন আসল কথায়-
- (৭) মু'মিন হিসাবে আল্লাহ্র ঐসব সাহায্য পাওয়ার জন্যে, আমরাও কি সত্যিই আল্লাহ্‌কে সাহায্য করার দায়িত্ব যথযথভাবে পালন করতে প্রস্তুত?
- (৪)- তাহলে তো আমাদেরকে আল্লাহ্র বিধান অনুযায়ী-কাফিরদের বিরুদ্ধে তারা অস্ত্র নামিয়ে না ফেলা পর্যন্ত জিহাদ করতে হবে। যুদ্ধে মুকাবিলা করার সময় তাদের গর্দানে আঘাত করতে হবে, শেষপর্যন্ত এদেরকে সম্পূর্ণরূপে পরাভূত করে কষে বাঁধতে হবে; অনুকম্পা বা মুক্তিপণ সে সিদ্ধান্ত তো পরে। (বাস্তবতা কি বলে?)

- (৪)-এ বিষয়ে সাফল্যের জন্যে আল্লাহর মূল উদ্দেশ্য ভালভাবে বুঝার কোন বিকল্প নাই:আল্লাহ ইচ্ছা করলে নিজেই কাফিরদেরকে শাস্তি দিতে সম্পূর্ণ সক্ষম হওয়া সত্ত্বেও মুমিন দাবীদারেরা -কাফেরদের ব্যাপারে কি করে তা হাতে নাতে দেখতে চান। আর আল্লাহর পথে নিহতদের কর্মফল তো তিনি কখনও বিনষ্ট করেন না-তা পরিস্কারভাবে জানিয়ে দিয়েছেন। (৫)-উপরন্তু তিনি তাদেরকে সৎপথে পরিচালিত করা এবং তাদের অবস্থা ভাল করা এমনকি (৬)-তাদেরকে যে জান্নাতের কথা বলেছেন,সেই জান্নাতেই প্রবেশ করানোর প্রতিশ্রুতি দিয়েছেন।
- (১৯)-আরোও এক মজার বিষয় হলো-মুহাম্মাদ স. তাঁর নিজের জন্যে যেভাবে আল্লাহর কাছে ক্ষমা প্রার্থনা করেন, সেই মুহাম্মাদ স. কে আমাদের ত্রুটি-বিচ্যুতি ক্ষমা করার জন্যেও আল্লাহর কাছে প্রার্থনা করার নির্দেশ দিয়েছেন।
- সুবহান্নাল্লাহ,আলহামদুলিল্লাহ,লা ইলাহা ইল্লাল্লাহু আল্লাহু আকবার।
-

- সবাইকে একটু ভাবতে বলব-সব হাজি এমন কি সারা বছরের অগনিত ওমরাকারী হারামাঙ্গনের ফজর-মাগরিব ও এশার মোট ৬ রাকাতের তিলাওয়াতের ছন্দে দুলতে পারলে আজ এ হল রুমের বাতাস কুরআনের দোলায় কেমন নেচে উঠত। আর মক্কা-মদিনা থেকে বয়ে আনা এ অনন্য ছন্দে পর্যায়ক্রমে ঢাকার বাতাস-বাংলাদেশের বাতাস পেড়িয়ে গোটা বিশ্বের সব বাতাসকে মাতিয়ে তুলত।
- আমার ভুল-ত্রুটি সংশোধনের জন্যে নিঃসংকচিত্তে জানাবেন। আমার জন্যে দোয়া করবেন, এ প্রসঙ্গে আমি যে দোয়া করেছি-করছি-করব-করা উচিত তাও যেন মহামহিম প্রতিপালক কবুল করেন, সে কথাটিও বলবেন অন্ততঃ একবার। **আর হাঁ-সেখানে আপনাকেও গাঁথে রেখেছি একান্ত আপন করে। আল্লাহই সাক্ষী।**
- আশা করি নতুন এক স্বপ্ন নিয়ে সামনে আগাবেন এমনভাবে-যেন চিরস্থায়ী মহাশান্তির নিবাসে এভাবেই একত্রিত হয়ে সমন্বরে ভারী করে তুলি মহাকালের বাতাসকে।

- আল্লাহ আমাদেরকে সূরা মুহাম্মাদ ১-১৯ আয়াতের সুগভীর মর্মবানী উপলব্ধি করা এবং সে অনুযায়ী নিজের চিন্তা-চেতনা-আমল-আখলাক পুণর্গঠন করা এবং এর পরিপূর্ণ সুফল প্রাপ্তদের মধ্যে অন্তর্ভুক্ত করুন।
- যেহেতু এ সূরার নাম মুহাম্মাদ, মুহাম্মাদ প্রসঙ্গটি উল্লেখও হয়েছে অন্তত: ৫ বার, সেহেতু সেই মুহাম্মাদ স. নিয়ে যা বুঝা-যা করা-যা চাওয়া-যা পাওয়া সেটাও যেন বাস্তব হয় দুনিয়া ও আখিরাতে সে প্রার্থনাও জানাই সুমহান অভিভাবক আল্লাহর কাছে।
- যে সম্মানিত ঈমাম এ আয়াতে কারীমা তিলাওয়াত করেছেন তাঁকে সর্বোচ্চ সম্মান-মর্যাদা-সাফল্য নসীব করুন। হারামাঈনের সকল ঈমামসহ সংশ্লিষ্ট সবাইকে পরিপূর্ণ যোগ্যতা-দক্ষতা-আন্তরিকতা-শক্তি-সাহস-সুযোগ-দান করুন। আমীন
- সুবহানাকা---